



16. september 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Misissuineq pillugu Naalakkersuisunut apeqqutit:**

**1. Naalakkersuisut eqqartuussissuserisuata Niels Hansen Dammip misissuinerup naammassinissaa sioqqullugu pisorta qarfimmi pisortaq Svend Hardenberg (imaluunniit Naalakkersuisut sinniisaat allat) ilisimatissimanerlugu, misissuineq ingerlanneqartussasoq inatsisinik atortitsinermut pisortatut soraarsitaasoq ilaatinnagu, Niels Hansen Damm isumaqarmat mailit atorlugit inatsisinik atortitsinermut pisortatut soraarsitaasimasup paasissutissanik aallerfiginissaa piviusunngorsinnaanaviangitsoq?**

**2. Svend Hardenbergip (imaluunniit Naalakkersuisut sinniisaasa allat) periuseq tamanna akuerisimanerlugu taamaasillutillu Namminersorlutik Oqartussani atorfillit nuimasut oqaaseqarnissaat akuerisimallugu, imminnut tunngasut kusanarnerusunngorlugit nassuiaammi saqqummiunneqarsinnaaniassammata akerlilerneqannguaratik (aamma toqqorterlugit kukkunerusimasinnaasut taamatullu suliamut tunngatillugu atorfilittut isumagisassatik isumaginninngitsoorsimasatik aamma toqqorterlugit)?**

(Inatsisartunut ilaasortaq Palle Christiansen, Demokraatit)

**Tunngavilersuut:**

Naalakkersuisut eqqartuussissuserisuata Malling aamma Hansen Dammimut imissutigisimasaanni nassuiaammi ilanngussaq 2-mi nalunaarutigineqarpoq, inatsisinik atortitsinermut pisartap soraarsitaasup kissaatigisimanngikkaa apersorneqarnissani misissuinermut atatillugu, neqeroorutigisimagaali misissuinermut peqataasinnaalluni naqitanngorlugit apeqqutit allaganngorlugit akisarnissaat.

Taamatut periuseqarnissaq Naalakkersuisut eqqartuussissuserisuata Niels Hansen Dammip piviusunngorsinnaasutut isigisimanngilaa. Piffissami matumani silarsuarmi mailit atorlugit sukkanerpaamik pitsaasumillu attaveqatigiiffiusinnaasumi tamanna tupigukulunnarpoq.

Inerneraa, Namminersorlutik Oqartussani atorfillit nuimasut oqaaseqartitaasimanerat, imminnut tunngasut kusanarnerusunngorlugit nassuiaammi saqqummiunneqarsinnaaniassammata akerlilerneqannguaratik (aamma toqqorterlugit kukkunerusimasinnaasut taamatullu suliamut tunngatillugu atorfilittut isumagisassatik isumaginninngitsoorsimasatik aamma toqqorterlugit)

Pissutsip taassuma misissuinerup uppernassusaa kalluanngitsoortussaangilaa.

Apeqqutit akeqquneqarput tigusineraniit ullut sulliviit nalignnaasut qulit qaangiutsinnagit.



**DEMOKRAATIT**  
DEMOKRATERNE